



Page: 6

Reach: 0

Country: BOSNIA AND HERZEGOVINA

Size: 65 cm2

1 / 1

## Hapšenja zbog krivotvorenih dokumenata

Pripadnici Agencije za istrage i zaštitu BiH (SIPA) su u utorak tokom pretresa objekata na šest lokacija na području Šamca i Orašja pronašli i privremeno oduzeli više dokumenata za koje se sumnja da su falsifikovani.

U akciji kodnog naziva Art, uhapšene su tri osobe osumnjičene za krivotvorenje dokumenata. Iz SIPA navode da je u nastavku aktivnosti na području Srbije uhapšena jedna osoba, te se vrše pretresi objekata na više lokacija. U BiH su uhapšene osobe čiji su inicijali J. P, M. M. i Ž. J. zbog sumnje da su počinile udruživanje radi činjena krivičnih djela u vezi sa krivotvorenjem isprave, saopšteno je iz SIPA.

Te osobe osumnjičene su da su od 2013. do 2015. u BiH i Hrvatskoj izrađivale i prodavale razne krivotvorene isprave, i to pasoše, lične karte, vozačke dozvole, kao i policijske značke i službene legitimacije policijskih agencija, obavještajnih službi i vojno-bezbjednosnih službi BiH, Hrvatske i drugih zemalja regiona. Izrađivali su i prodavali razne diplome, uvjerenja, svjedočanstva i druge isprave. Akcija je realizovana prema naredbama Suda i Tužilaštva BiH, a provodi se koordinisano sa MUP-om Hrvatske, gdje se također vrše pretresi objekata i hapšenja osumnjičenih.